



Diahuebs, Februari 23, 2012 - Edicion v -7 Vol.1741 Sta. Cruz # 110
Tel: 585-9500 Fax:585-0951 - E-mail: solodipueblo@gmail.com **1.50**

Precaucion completo di parti polis

Miembronan di Arrestatie Team involvi a wordo prohibi pa papia

Tin masha cautela pa e investigacion

Dilanti porta di Hotel y Taco Bell na Renaissance Market

TIROTEO ENTRE POLIS Y CRIMINALNAN A TERMINA CU DOS COLOMBIANO MORTO

Criminalnan tabata bao vigilancia y Arrestatie Team a drenta accion pa detene nan!



**VIDEO EXCLUSIVO
DI TIROTEO TA RIBA
WWW.BOLETINEXTRA.COM**

Diarazon merdia.....

Inval haci na apartamento di criminalnan na Boegoeroei

Polis a confisca varios obheto y materialnan



**OPPA:
CARTA
ABIERTA PA
SR. JUAN DAVID
YRAUSQUIN
PAG. 6**

ULTIMO HORA:

Ta trata di dos grupo

Dealmento di droga y plan di atraco

Na ciere di nos redaccion nos a haya informacion extra oficial cu ta bisa cu aki ta trata di un caso di droga den combinacion cu plan di atraco cu ta involvi dos grupo. E grupo di 3 homber involvi den tiroteo cu polis, mester a deal un total di varios kilo di droga cu un grupo di 7 homber. E grupo di 7 tabata na Aruba pa un luna y tabatin plan pa bandona Aruba ayera mes cu avion. Ta ser bisa cu e dealmento di droga por a tuma lugar ayeramainta mes. Sinembargo apesar di deal 12 kilo di droga, e grupo di 7 kier a tira un atraco ariba un casino of un banco pa asina logra huy cu mas tanto placa posibel. E grupo cu a wordo para pa polis no ta e grupo cu intencion pa araca banco, pues no ta e grupo di 7. Aparentemente e grupo di 7 aki ya den pasado a comete atraco ariba banco na Aruba y awor kier a ripiti un hit. Pesey mes e informacion ta mixto. Aparentemente e Colombianonan cu a wordo mata, aparentemente por ta estableci na Aruba y net nan no ta forma parti di e grupo cu tabatin un luna na Aruba den plan di atraco. Esaki kiermen cu tin mucho mas hende involvi den e caso aki y ta existi posibilidad cu ayera un of algun por a bandona nos isla. Nos ta spera cu awe Ministerio Publico por emiti informacion pa pueblo ariba e caso aki.

Dilanti porta di Hotel y Taco Bell na Renaissance Market

Tiroteo entre polis y criminalnan a termina cu dos Colombiano morto

Criminalnan tabata bao vigilancia y Arrestatie Team a drenta accion pa detene nan!



STA. CRUZ -- Diarazon merdia pa 11:59am a sosode un caso cu a shock comunidad di Aruba cu a termina cu dos morto. Na prome instante no tabata sa ta kico tabata pasando, pero despues a bin sali na cla cu un confrontacion a


tuma lugar entre algun criminal y polis. Tur cos a sosode den e caminda di Renaissance Market Place/ Seaport Casino, net dilanti Taco Bell y dilanti entrada di Hotel Renaissance Ocean Suites. E miembronan criminal aki tabata

manehando un auto Daihatsu Terios color berde cla, numeru A - 42121 y segun nos por observa ariba e fotonan di e sitio di incidente, tin un auto color shinishi scur cu ta di Arrestatie Team. E rumornan cu a circula ayera merdia tabata diverso. A ser bisa cu e grupo aki tabata cometiendo un atraco ora cu nan a wordo sorprendi pa polis cu a tira dos mata. Tin varios version, pero tambe a ser bisa cu e grupo di criminal aki tabata coriendo for di 8'or di mainta den e area aki unda cu posiblemente tabatin tin intencion di tira un atraco ariba Seaport Casino. Sinembargo despues a bin sali na cla cu e grupo criminal aki tabata bao vigilancia pa algun dia caba door di polis y Arrestatie Team, cu den casonan peligroso ta traha tambe pa tene vigilancia na hende of gruponan peligroso. Si ya nan tin algun dia caba bao di vigilancia, ta di kico nan ta ser sospecha? Si nos asumi cu Arrestatie Team tabata vigilando e grupo criminal aki, e ora e pregunta ta bira: Kico a conduci nan pa drenta accion y bay over na haci intento pa detene e personanan aki? Dicon a bay over na purba haci e detencion precisamente den e area turistico aki, dilanti porta di hotel? Tabatin ordo di aresto e ora ey duna pa fiscal? Of tabata solamente bao vigilancia nan tabata? Hecho ta cu algo a pasa cu a conduci polis na drenta accion pa purba na detene e grupo na e ora mencion y sitio menciona. Nos a bin comprende cu na momento cu nan a



mira polis y cu nan ta gara, aparentemente nan a bay over na los tiro ariba polis. Esaki a conduci na un tiroteo y un intercambio di bala entre e auto under-cover di polis y e Daihatsu Terios color berde cla.

Ta ser bisa cu e auto di e criminalnan a keda sefta cu bala. Den e Daihatsu Terios color berde cla tabata tin tres persona, di cual dos a wordo tira mata al instante durante di e intercambio di bala. E di tercer persona a

CONTINUACION:

wordo gara net despues di e tiroteo pa Arrestatie Team y hiba warda di polis na Oranjestad mesora. E tiroteo aki a causa un caos completo den centro di Oranjestad.

Testigonan na sitio a bisa cu polis tabata pone tur auto bira bek y no tabata permiti ningun auto pasa dilanti parlamento di Aruba. E sitio a wordo hermeticamente bon

cera unda te hasta un hefe di polis na sitio a duna prohibicion pa te hasta prensa por drenta e area y te hasta menaza cu si prensa subi e area di e sucedido pa detene mesora. (Nota di redaccion: Nos ta lamenta e hecho cu kier a prohibi prensa di haci nan trabao!) Bolbiendo bek na e version unda cu e banda criminal aki

tabata bao vigilancia di polis, mester remarca cu no ta exactamente conoci si nan kier a comete un atraco, pasobra nos redaccion tambe tin informacion cu aki ta trata un caso internacional unda cu for di exterior a pidi vigilancia di e grupo aki unda aparentemente nan ta meti den trafication di droga.

Drs. Booshi – Wever, Parlamentario Ciudadano:

TIROTEO DEN PORTA DI PARLAMENTO, MUESTRA DI NIVEL DI INSEGURIDAD

AINDA E INSEGURIDAD TA DJIS UN PERCEPCION DI PUEBLO DI ARUBA?



STA. CRUZ -- Recientemente nos por a tende minister di Husticia y Enseñanza cualifica e temor di nos pueblo pa e inseguridad riba nos isla, como djis un percepcion. Wel, awe nos mester puntra e minister y hunto cu n'e e gobierno

aki, si ainda e/nan ta di e opinion ey, despues cu riba diarazon, 22 di Februari, den cara di nos Parlamento a tuma lugar un tiroteo, na unda hasta dos morto mester a cay. Mi ta hinca e gobierno aki aden, pasobra na ningun momento ningun

di e colega-ministernan, tampoco ningun di e Parlamentarionan cu ta sostiene e gobierno aki, a coregi e expresionnan di e minister. Hasta nan ta apoya e minister aki 100%! Hasta cuando nos pueblo mester keda den temor, pasobra ningun hende no sa, ki dia e siguiente tiroteo lo tuma lugar, unda pa mala suerte abo por ta canando, y por bira victima inocente di e inseguridad aki. E pregunta grandi ta, con bin cu un biaha mas tipo di criminalnan ta drenta nos pais? E contesta ta obvio: e ola di inseguridad ta directamente e consecuencia di e maneho di "open-door-policy" di e minister

Benny Sevinger, unda ken cu ta por drenta y ningun clase di screening ta tuma lugar. Y esaki simplemente pa cumpli cu promesa di campaña, esta di laga hendenan cu pasado criminal drenta nos pais! Contrario na e maneho cu ami a hiba desde 2005! Den Parlamento un vez mas un parlamentario di AVP a bisa cu mi maneho tabata inhumano! Wel, e tempo ey e pueblo Arubano NO tabata pasa den e agonía cu e ta pasando awor! Contrario na loke e pueblo ta experimentando awor. Mi maneho tabata estricto y NINGUN ex-convicto no a haya permiso, cu awor sí ta haya y por drenta

nos pais sin ningun problema! Of un persona cu a ser saca pa motibo di su ilegalidad na Aruba, NO tabata haya permiso pa drenta! Awor sí! Ata e consecuencia! E periodo di prome cu 2001 a bolbe back Aruba y cuidao cu no ta mesun hendenan! Pues aki atrobe un otro promesa di campaña cumplí! Mescos cu e compra corrupto di e trucknan tin nomber y faam, e ola di criminalidad tambe tin nomber y faam: sr. Benny Sevinger y sr. Arthur Dowers cu consentimiento total di sr. Mike Eman!

Y esaki ta e realidad sunu y no un percepcion! Of si????

Precaucion completo di parti polis

Miembronan di Arrestatie Team involvi a wordo prohibi pa papia

Tin masha cautela pa e investigacion



STA. CRUZ -- Autoridad policial a tuma medida preventivo pa nan miembronan di Arrestatie Team. Un ordo a bini di halto pa asina duna tur miembro di Arrestatie Team involvi semi liber pa asina nan por pasa ariba loke a sosode. Tambe a bini ordo cu

ta prohibi tur miembro di Arrestatie Team involvi pa duna cualkier declaracion na cualkier tercera persona. Loke nos mester comprende ta e hecho cu na momento cu cay un morto door di polis, aki tambe lo bini un investigacion riguroso pa asina determina si polis

a tuma nota di leyman existente pa asina mira y segura cu e derecho di e criminal no a wordo viola. Manera ta concociden nos sistema hudicial, hasta e criminal tin derecho y mester tene cuenta cu esaki. Por ehempel lo bay investiga si di berdad e criminalnan a los tiro y cuanto tiro nan a los. Lo investiga pa determina si na cada minuut, e accionnan policial tabata corecto. Por lo pronto ordo a bini di halto pa pidi tur miembro involvi pa no divulga ningun informacion pa asina garantiza un bon investigacion.



Diarazon merdia.....

Inval haci na apartamento di criminalnan na Boegoeroei

Polis a confisca varios obheto y materialnan



STA. CRUZ -- Diarazon merdia polis a haci un inval den un apartamento situa na Boegoeroei. Solo di Pueblo a bin

comprende cu esaki ta e apartamento unda e criminalnan tabata hospeda. Nos a bin comprende cu e grupo

tin un luna ta circulando rond di e apartamento aki na Boegoeroei, cual ta situa patras di Huan Zan Supermarket. Na e sitio polisnan a drenta y a tuma tur nan tempo pa asina mira tur loke cu tin den e cas/apartamento unda cu a tuma tambe varios obhetonan den beslag. E grupo aki ta sin duda un grupo peligroso. Si mira e hecho cu nan tabata arma, por conclui cu nan ta 'zware jongens'. Ainda nos ta corda e atraco brutal cu a wordo tira ariba Gandelman Jewelry unda aki tambe testigonan a mira cu e atracadornan a usa arma pisa. Te cu awe no a logra captura e atracadornan aki y talvez e grupo aki mes lo por ta responsabel. Si nos mira e forma brutal con e joyeria a wordo atraca, e lo mester manda un signal cu aki no ta trata di atracadornan nobato, pero sin duda di atracadornan cu experiencia den haci nan trabao. Informacion cu nos ta dispone di dje ta muestra cu e investigacion ta sigui su curso pa asina polis por traha un rapport completo di loke a pasa y mas ainda cu tin morto den e caso aki, polis mester por ta fuerte ariba nan posicionnan cu ta trata aki di hendenan peligroso.



REMITIDO:

Den apenas 2 aña y 3 luna:

CARTA ABIERTA PA SR. JUAN DAVID YRAUSQUIN



Cu asombro nos di OPPA a tuma nota di e articulo 'awe mainta' den prensa, skirbi door di un di nos representantenan di pueblo, e Parlamentario sr. Juan David Yrausquin. Nos ta haye un BERGUENZA cu un PARLAMENTARIO di PUEBLO, no ta mira e valor di su PENSIONADONAN, cu a traha henter nan bida pa sirbi nan pueblo.

Porta sr. Yrausquin, como nos REPRESENTANTE, por trece cambio p.e. den e sistema di PRIMA DI AZV, unda pensionadonan ta paga FULL e prima di AZV, siendo 11¼%, mientras cu PARLAMENTARIONAN ta paga solamente 1% of

..... NADA.

Un bon consejo pa PARLAMENTARIO YRAUSQUIN ta, pa pone su mes na altura, pa kico tin INDEXERING y con esaki semper a ser regla y STOP DI DISCRIMINA parti di su pueblo. Ora costo di bida den nos pais ta subi, e ta subi pa tur hende, tambe pa nos, e pensionadonan. Nos ta spera cu sr. Yrausquin, como NOS REPRESENTADOR den Parlamento, lo sa di aprecia SU PENSIONADONAN.

Den nomber di tur nos PENSIONADONAN,

Paul van Niel, Presidente di OPPA.

Cuanto miyones di florin Gobierno di AVP a gasta caba na conferencia y locura?



STA. CRUZ -- Mientras pueblo no a mira un progreso y su bienestar wordo sirbi bao di gobierno aki Mike Eman y partido AVP ta keda insisti pa organiza tur sorto di conferencia cu na final e pueblo trahador mes no ta beneficia di dje! Prome a cuminsa cu un conferencia di locura unda a paga ex-presidente di Merca Al Gore casi mey miyon florin pa tira un speech ariba energia alternativa den Mike Eman su 'Green Conference'! Aña pasa a probecha e bishita di La Reina Beatrix pa laga Prins Willem Alexander tira un speech den Mike su conferencia berde! E aña aki lo no ta diferente! A bay Brazil pa reuni cu Petrobras pa Valero y e unico logro tabata di invita e minister di

Energia di Brasil pa bin tira un speech den Mike su 'Green Conference'! Ta topiconan cu mundialmente ta wordo discuti pa añanan caba y pa medio di internet por sigui delaster un desaroyo ariba tereno di energia duradero y alternativa! Pueblo te awe no por comprende e ansia y capricho di e gobierno di AVP. Te cu awe despues di tur e conferencianan 'berde' e prijs di awa y coriente no a baha ni cu 1 cent preto! Pueblo ta bibando cu e mesun prijsnan halto di energia! Anto di un partido manera AVP cu a priminti (of gaña!) cu manera nan drenta gobierno nan lo zorg pa baha prijs di awa y coriente 'from day one' pa alivia e peso pa pueblo! Lamentablemente e aña aki nos pueblo ta drenta aña di campaña electoral pa eleccion di September 2013 y nada pero nada a wordo haci ariba e tereno aki! Al contrario! Envez cu prijsnan di coriente y awa a baha manera Mike a priminti na 2009 pueblo mester paga y biba cu un aumento di 54% for di 2009 pa awor! Mientras calculacionan haci ta

monstra cu desde 2009 tur e conferencianan di Mike Eman, incl. e locura di 'Europe House' a costa nos pueblo casi 20 miyon florin! Y manera cos ta pinta nos lo yega September 2013 y pueblo lo no mira un rebaho tampoco di e prijsnan di coriente y awa! Kizas na caminda pa eleccion lo tira santo den wowo di pueblo cu un rebaho temporal cu mester sirbi e interes electoral di AVP pero structuralmente pueblo lo no mira ningun beneficio sali di e tanto conferencianan cu Mike Eman y AVP ta organiza! Ata gobierno di MEP a inicia e proceso di introduci 'energia alternativa' den WEB y cu e 10 molinanan di biento! Sin ningun dia a organiza un conferencia! Despues di 2 aña pueblo kier mira hecho- y resultadonan concreto y no conferencianan cu ta costa un dineral y e uniconan cu ta beneficia di dje ta e 'celebritiesnan' y companianan internacional cu ta participa na Mike Eman su 'Green Conferencenan' y su 'Europe House'! Pueblo kier mira cambio! Awor!

MESTER DI PLACA? EMPEÑA Y CUMpra ORO

14 kt = AWG 40!
18 kt = AWG 50!
24 kt = AWG 68!

SEMPER E PRIJS DI MAS HALTO!



JUWELENHUISJE

ORARIO 10AM - 6PM DIALUNA TE DIABIERNA



Peaton a cruza dilanti auto



STA. CRUZ -- Riba caminda di Avenida Milio Croes Dakota un peaton masculino a cruza dilanti un Suzuki Ignis cora, biniendo for di e luz di trafico bayendo ariba.

E homber a cay riba e auto su windshield y a dal abao. E tambe e admiti di no a waak e auto mes bin di pabao. Ambulance a presenta y a atende e victima cu herido.

Problema grandi y detencion a cay

Esaki ora un esposo a haya sa cu su casa aparentemente tin un otro!



STA. CRUZ -- Diamars mainta a drenta informe di un caso di maltrato y menaza cu arma na Caya Mazurka. Mesora a dirigi varios patruya na e sitio. Na yegada di e patruyanan, nan a bin comprende cu tin un problema entre pareha y e asunto aki a escala. Na yegada di recherche mesora a detene e homber aunke e no tabata tin arma cune. E homber lo a haya e muher cu un otro y e lo a agredi'e.

Un biaha mas accidente na e cruzada banda di Elmar Hato




STA. CRUZ -- Diamars merdia un biaha mas, pa motibo di falta di duna otro preferencia, a bolbe sosode un accidente

na e conocido cruzada di Hato. Un auto berde, aparentemente a bira dilanti di un auto shinishi. Polis y ambulance a

presenta na e sitio y a trata e personanan involvi. Despues a transporta e dama herida, pa hospital.

CMB N.V. ta anuncia ganadornan di 'Brul y Bail'e'

Riba 20 mil florin reparti entre 10 ganador y finalista



STA. CRUZ -- Basa riba e votacion online, Caribbean Mercantile Bank N.V. ta anuncia e ganadornan di su campaña 'Brul y Bail'e'. Ademas ta otorga tres premio adicional basa riba evaluacion di hurado experto. CMB N.V. ta sumamente complaci cu e reaccion cu e campaña aki a haya. Manera a keda promociona, e ganador maximo ta bay cu 10 mil Florin y cada

un di e otro finalistanan, tambe ta ricibi un premio en efectivo. Pa medio di 'Brul y Bail'e' CMB N.V. tabata busca e video cu sa di celebra nan 50 aña di existencia na Aruba. Semper innovativo y moderno, Caribbean Mercantile Bank N.V. a usa Facebook como medio.

Aki e participantenan a upload nan video y usarionan di e media

social por a no solamente vota, pero tambe comparti nan video favorito cu tur otro usuario. E ganador maximo ta e video registra na nomber d Samil Susebeek y traha pa Popcorn Dancers. E video aki a haya un total di 502 vota.

Na di dos lugar ta haya Orwin Gomes sigui pa e video di Marcie de Jongh pa completa e prome tres premio. Despues ta

haya 4. Felipe Cardona, 5. LeAnn Tromp, 6. Amir Elmondalek, 7. Jeanique de Palm, 8. Lex van Vugt TBF Group, 9. Demi Mercalina y 10. Diane Lejuez. Cada video tin un duracion di 1 minuut y mey, basa riba e jingle di Carnaval di CMB N.V. y ainda ta visibel bishitando www.facebook.com/cmbnews.

Un panel di hurado consistiendo di profesionalnan Ryan Oduber (arte visual), Alydia Wever (baile) y Tivisay Tromp (mercadeo) a scoge e ganadornan pa tres premio adicional. Como Mihor Branding a gana e video di Jeanique de Palm. E video cu e Mihor Baile tabata esun Gaby & Group mientras cu e Mihor Videografia tabata esun di Amir Elmondalek. Cada un a ricibi un premio di 250 Florin cash. Pero esey no ta tur. Caribbean Mercantile Bank N.V. tambe a pone na disposicion un Visa

MoneyCard na balor di 1,000.- Dollar como premio pa e persona, usuario di Facebook cu participa activamente den e campaña di 'Brul y Bail'e' djis door di scoge su video favorito y 'share' esaki cu su amigonan riba e website social.

E ganador a wordo scogi di manera automatico y a resulta di bay pa Tisha Illidge. Un biaha mas CMB N.V. ta expresa su satisfaccion grandi pa e tempo, creatividad, dedicacion y esfuerso cu e participantenan a hinc den cada produccion. Gerencia y tur esnan involucra den produccion di 'Brul y Bail'e' ta contento di mira cu e campaña a hala atencion di tur hende, for di mucha y hoben te na adulto.

Caribbean Mercantile Bank N.V. ta gradici un y tur cu a participa den 'Brul y Bail'e' y felicita e ganadonan cu nan premio bon mereci.

Yobida di premio pa abogado e Hulandes-Caribeño di VanEps Kunneman VanDoorne



STA. CRUZ-- Siman pasa diasabra 12 di Februari, e premio pa e mihor tesis di e aña 2010 – 2011 na universidad di Leiden, a ser entrega. E premio a keda den nomber di Dirk Ormel. Mr. Ormel no por a tuma e premio riba tereno di derecho penal internacional en persona, como cu desde 1 di Februari e ta traha como abogado na VanEps Kunneman VanDoorne den Caribe. Mr. Ormel a gana un total di 3 premio pa su tesis cual topico tabata Congo. E premio di Universidad di Leiden, tabata pa e mihor tesis den e categoria alfa- y gamma-ciencia. Durante e entregamento di premio prof. Mr. Paul F. van der Heijden, Rector Magnificus y Presidente di e College van Bestuur di Universidad di Leiden, a nombra e tesis di Mr. Ormel como 'excelente' y 'impresionante'. E mesun tesis aki ya caba a gana e premio bou nomber di Max van der Stoel Human Rights Award, cual ta un

iniciativa di Universidad di Tilburg. E motibo di e premio aki, cu wordo



inicia na aña 1995, ta pa promove investigacion nan academico ariba derechonan humano. Tambe, e tesis aki a termina na di dos lugar na e facultad di derecho di Leiden. Dirk Ormel a gana e premio cu e tesis di 'Ne pas tuer la poule

aux oeufs d'or' traduci 'Nunca no mata e galiña cu tin webo di oro'. E titulo ta referi na e actitud pasivo di e comunidad internacional relaciona cu e conflicto di materia prima na Congo. Ormel ta yega na conclusion cu e comercio ilegal

den materianan prima por wordo considera como un crimen di guerra y esnan responsabel mester wordo treci dilanti e Internationaal Strafhof. Pa su tesis Ormel a haci investigacion na Rwanda, Burundi y Congo.



PENSIOEN? E CONTESTA TA ennia!

KIES PA UN SERVICIO OPTIMAL:

- + Comunicacion transparente cu e dunado di trabou y e trahadonan pa e trayecto completo
- + Encuentronan informativo y combersacion personal pa duna conseho
- + Proceso administrativo rapido y semper cu resumennan "up to date"
- + E-employer pa un maneho di pensioen "online" den un forma facil pa recursonan humano

Laga ENNIA ta bo ehecutur di pensioen y experencia un nivel di servicio halto. Tuma contacto cu ENNIA of bo broker pa un conseho transparente y amabel.

+ AREGLO ATRACTIVO DI COMPARTICION DI GANASHI

Pa mas Informacion JAMA: 582 2000 | CLICK: www.ennia.com

MR. ADY THIJSEN DI MEP:

ESAKI TA E MOTIBO PAKICO VENEZUELA LO NO YUDA ARUBA CU E REFINERIA

AVP TA HUNGA WEGA DI HIPOCRECIA

**Mientras Mike Eman ta pidi
Chavistanan firma na Aruba,
Juan David ta brasa oposicion**



STA. CRUZ -- Durante conferencia di prensa di MEP Parlamentario Ady Thijsen a trece dilanti con hipocrita e gobierno ta Mike Eman! Un dia Mike Eman ta pidi Venezolanonan bin firma un carta pa pidi Chavez

yuda nos, un siman despues Mike Eman ta manda Juan David Yrausquin Venezuela bay brasa oposicion di Chavez! Kico Mike Eman kier anto? E kier pa Chavez tuma nos na serio of no? Juan David

a laga sa cu ta e ta dicidi kico e ta haci y den su partido nan tur por haci loke nan kier toch. Pero esaki no ta un asunto di haci kico cu bo kier. Esaki ta un asunto pa bienestar di Aruba.

Loke AVP a haci aki ta di condena, pa dos motibo. Prome lugar, aki bo ta mira cu Mike Eman ta tuma Venezolano haci, e ta pidi nan pa bin firma, pero ningun momento ta tuma nan na serio. Na di dos lugar, aki bo ta mira cu Mike Eman no ta serio den habri e refineria. Pasobra bo no por bay brasa e oponente di e homber cu tin cu salbabo!

Chavez a admiti for di Cuba cu e tin tumor nobo y maligno di cancer y por opera de inmediato



Chavez a bisa cu si ta asina, e por wordo opera prome cu fin di siman na Cuba.


Notabel ta cu diarazon y diahuebs siman pasa por a mira un Chavez cu tabata muestra completamente bon y hasta tabata critica oposicion Venezolano.

Sinembargo obviamente e por tabata bao di pilder di dolor, pasobra den weekend el'a sali cu urgencia pa Cuba.

STA. CRUZ -- Despues di hopi rumor cu Chavez lo a viaha pa Cuba den fin di siman, via telefon, Chavez a admiti cu e tin un tumor nobo cu por ta maligno.

Di mi ta mas grandi y mas barata!

Pa weekend Fl.295,=
Pa dia 265,=



Servicio nobo di SERLIMAR
bakinan di 30 yarda



SERLIMAR

Kockstraat 4, San Nicolas
Tel.: 5845080 / Fax: 5843255
E: info@serlimar.org

BanTene Aruba Limpi Nos Por!

**Drumi Dushi
y Comfortabel
riba Colchonnan
Suave di**

*Ta introduci
su liña nobo di
matras y boxframe
Comfort Top, Pillow Top,
Euro Style Pillow Top
y Latex Core*



Tel: 582 2709 - 582 4405 Fax: 583 9637

Cu arma di candela plama tur parti,

Cada mey ora nan ta mata un Venezolano

Skirbi pa Clyde Harms



Cu estadistica cu ta duna hende calafriu, e propio Taireck El Hassami, Minister di Husticia di Venezuela, a comproba loke tur hende sa caba: Venezuela ta un pais sumamente violento. Apenas a cumpli un luna den 2012 y ya nan a mata 1347 hende, un averahe di mas di 43 pa dia, dunando e pais e distincion tristo di ta e pais cu un averahe di homicidio mas halto di Zuid America. Pa casi tur crimen na Venezuela, arma di candela ta esun mas usa y nan cantidad ta creciendo den un forma alarmante. Durante mi estadia di cuater siman na Maracaibo, mi por a lesa den e corantnan di Aruba di por lo menos dos homicidio y un atraco na cas cu arma cayente. Evidentemente, na nos isla tambe tin hopi arma di candela riba caya. Ta esaki a inspira mi pa skirbi e articulo aki pa expresa mi inquietud. Ademá di e matanza horibel cu ta tuma lugar na nos pais bisiña, tur dia tin tambe un cantidad grandi di secuestro, atraco y asalto. Na aña 2011 tabatin 1168 denuncia di secuestro, pero un criminalista Venezolano ta opina cu pa cada un secuestro registra, cinco nunca

ta wordo raporta. Hopi vez e secuestradornan ta yama pa demanda e suma di rescate cu menaza di mata e victima si famianan yama polis, y si e suma ta algo cu nan tin, famianan ta paga mes ora sin raporta nada. Esaki ta e fenomeno cu Venezolanonan ta yama "secuestro expres". E crimen mas comun atraco: Venezolanonan ta wordo atraca pa cualquier cos, pa nan prenda, holoshi di man, celular, especialmente pa nan Blackberry, hasta pa nan zapatonan! E ladronnan ta warda nan victima sali di botica, supermercado, banco of un ATM pa atrac'e. Tin vez e ladronnan ta asalta un persona y obligu'e bay saca placa na un ATM. Alfonso, un bon amigo di nos a wordo atraca un atardi despues di cumpra remedi na un botica. Ora cu el'a nenga di duna e yabi di su SUV na e atracadornan, nan a pas'e dos tiro di revolver den su barica y core bay. Sangrando hopi, Alfonso a start su auto y core bay un hospital caminda nan a logra salba su bida. Robo den cas tambe ta sosode, pero e atraco mas cu ta wordo cometi ta pa un auto, truck of

motocicleta. Un experto a yega di calcula cu cada dia di siman un promedio di mas di 120 vehiculo ta "cambia di doño" bao menaza di un pistol of scopet. Esaki ta igual cu un vehiculo cada 12 minut! Twenty-four seven. Atraco na cas di hende no ta asina frecuente pasobra e robo di un auto ta mas facil y mas lucrativo. Ami cu mi señora un vez a presencia apenas cinco meter dilanti di nos riba Avenida Las Delicias, con dos homber a baha di un auto cu pistol den man, atraca un homber cu a caba di parkeer su auto di luho nobis nobis, kit'e su yabinan y core bay cu e auto. E atraco no a tuma 30 seconde. Esaki tabata di dia cla! E miedo di ser atraca den nan propio cas a haci cu Venezolanonan ta busca tur sorto di manera pa protege nan mes. Muraya halto di tres o cuater meter no ta un excepcion. Awor te hasta casnan den barionan menos luhoso ta usa wayanan cu voltahe electrico haltu pa tene e malandronan afor. E resultadonan no ta mucho di gaba. Na cas di nos amigo Cecito, un doctor cu ta biba den mes un caya cu mi suegra, un banda di cuater ladron a




drenta e cas proteha cu muraya halto y waya di coriente. Nan a bay cu tur pertenencia di valor cu tabatin den cas. Cada un di e ladronnan tabata carga un revolver. Apesar di tanto matamento tur dia, un crimen cu a conmove pueblo di Maracaibo y henter Venezuela, tabata e asesinato den sanger friu di e mucha muher Anabel Argüello. Anabel tabata riba porch di su cas ora cu un ladron a exigí'e pa habri e porta di hero di cura. Anabel a nenga. Pa rabia y cu sanger friu e ladron a tira Anabel mata den su pecho. Su ultimo palabranan tabata, 'Me dieron, papá'. Anabel, un criatura di apenas diezseis aña, tabata amiga di nos sobrina. Durante ultimo seis añanan mi a mira con miedo di bira victima di un crimen arma a deteriora e calidad di bida di Venezolanonan. Mescos cu mayoria di e pueblonan di Venezuela, Maracaibo cu tabata un pueblo trankilo y sigur, awor ta pesta cu arma di candela

y el a bira un caos di secuestro, atraco, asalto y matamento. Aki na Aruba tambe tin e posibilidad cu criminalidad lo deteriora nos calidad di bida. Sin cu tabatin un prueba di homicidio, e caso di Natalee Holloway a hera dristibi nos turismo, e pilar mas importante di nos economia. Kico lo pasa si un di e dianan aki un malandro arma mester atraca un turista Mericano y tir'e mata?! Laga nos no warda te ora esaki sosode. Mi ta urgí tur Arubiano y amigo di Aruba pa exigí nos gobierno pa bin cu un plan pa elimina e cantidad di arma riba cayan di Aruba mas liher posibel. clydeharms@yahoo.com

Leyenda pa e foto adunto: • Anabel Argüello, victima di un asesinato den sanger friu, bisti pa su fiesta quinceañero apenas un aña pasa. • Titularnan manera esun aki di La Verdad a bira comun na tur parti di Venezuela.

Rudy Lampe ta huesped di clero catolico na Europa



STA. CRUZ – Den un comunicado Rudy Lampe ta elabora riba su viahe unda e tabata huesped di clero catolico na Europa. “Diarazon di shinishi ta marca un periodo pa nos reflexiona riba nos mes. Ken nos ta, pakico nos ta riba e mundo aki? Djis

pa come, bebe, baila, haya yiu y gana placa? No, hende tin un mision special. Papiando di mision, mi ta haciendo un estudio científico riba e mision di e prome pader Arubano, kende tabata un pader di e Ordo di Dominicano y kende a bira e prome Obispo Antiyano y a la vez tabata activo den politica. Pesey mi tabata huesped di padernan Dominicano na Hulanda. Riba e portret por aprecia mi persona den compania di pader van der Lee, un pader hopi stima aki na Aruba, kende su ultimo mision tabata na Centro Pastoral di Sta. Cruz. Lo mi no ta ken mi ta awor si mi no por a conta semper cu e apoyo di pader van der Lee. Mi ta huesped tambe awor di e Seminario na Alemania, unda ta forma futuro sacerdotenan. Riba e portret por aprecia e momento cu mi ta disfruta di e edificio monumental y historico cu ta e Seminario. Lo mi duna les tocante historia di Iglesia, entre otro mi ta usa pa mi lesnan e boeki reciente di Kardinal Reinhard Marx, arzobispo di Muenchen, cu tin como titulo ‘Ser cristian kier meen ser politico’. Pesey tur caminda cu mi pasa nan ta keda babuca con Obispo di Willemstad no a coregi e declaracion di su vicario yamando mi persona un apostata. Tur caminda ta bisa mescos: aki a pasa un grens, un limite, cu no mester tolera. Bo no por keda declara enemigo djis pasobra bo ta pensa diferente. No mester tolera intolerancia. Apostasia ta den noticia e dianan aki, pasobra fundamentalistanan musulman a declara algun periodista pa apostata djis pa a expresa nan opinion. Den sharia, e ley fundamentalista musulman, tin castigo di prison of doodstraf pa e apostata. Wel den Edad Media Iglesia Catolico a conoce esaki, pero den siglo 21 ya no ta e caso. Y na Aruba nos ta biba den un estado di derecho cu ta algo sumamente valioso cu nos tur mester aprecia y defende”.

Departamento di Enseñanza Aruba lo ta cera pa publico

diabierna 24 di Februari



STA. CRUZ -- Departamento di Enseñansa Aruba ta participa cu diabierna dia 24 di Februari, su oficinanan lo ta cera henter dia en conexion cu un programa pa su personal den cuadro di Desaroyo di Organizacion. Por fabor tuma bon nota cu esaki ta significa cu riba dicho fecha lo no tin servicio pa publico na ningun di e localidadnan (Frankrijkstraat,

Belgiestraat, Pampoenstraat, Cumana, Brazil) di Departamento di Enseñansa Aruba. Departamento di Enseñansa Aruba ta recorda un y tur cu por acudi na e website www.ea.aw pa informacion general relaciona cu organizacion, maneho y estructura di Enseñansa na Aruba. Den e alfabet menu riba dicho website tambe por haya un cantidad di topico

relaciona cu Enseñansa na Aruba, den orden alfabetico. Por ehempel Landsexamen na letter L of Vakantie na letter V. Si tin cualkier pregunta por dirigi esaki na info@ea.aw. Den caso cu esaki ta aplicabel, lo haci tur esfuerso pa contesta mas pronto posibel. Dialuna dia 27 di Februari Departamento di Enseñansa Aruba lo ta habri normal bek pa brinda servicio na publico.

Thinking about selling your unwanted Gold or Silver?

We are the answer!!

Quick Cash
A R U B A



TOP PRICE 4 GOLD - TODAY!

14K - 62.20 Fls.

18K - 77.75 Fls.



Located at Jucuri 66, Sta Cruz - Tel: 585-6558

Open: Monday to Saturday from 10am to 7pm

Problema pa Festival di Himno y Bandera Seccion Juvenil

Ambos organizacion ta organiza Seccion Juvenil

Harry y Rayanne den clash pa Festival di Himno y Bandera Seccion Juvenil

Segun Robby Rosel: Organizacion di Harry tin derecho exclusivo y ta kita e derecho di Centro di Bario Tanki Leendert

STA. CRUZ -- Den un programa radial diarazon merdia na Top FM, Centro di Bario Tanki Leendert a anuncia cu e inscripcion pa nan Festival Himno y Bandera, Seccion Juvenil, lo tuma lugar awe, 23 Februari 2012. Nan a anuncia e categoria Infantil y Juvenil. Despues di e anuncio aki di Centro di Bario Tanki Leendert, un yamada ta drenta di Robby Rosel cu tambe ta anuncia e mesun festival pa Seccion Juvenil. Segun Robby Rosel cu nan tin e derecho exclusivo pa organiza

e Festival di Himno y Bandera den categoria Juvenil y grandi. E derecho aki nan tine via statuut o sea via un fundacion. Robby Rosel a bisa mas leu, cu e hunto cu Harry Croes a pasa e derecho pa e Festival Juvenil vocalmente pa Centro Tanki Leendert pa algun aña, pero awor nan ta tum'e bek. Mesora Rayanne Hernandez a yama Top 95 FM unda el'a bisa di a keda sorprendi di e yamada di Robby Rosel, pasobra ya ta un custumber cu nan ta organiza e festival aki. Tambe Hernandez

a bisa cu den e reunion na comienzo di Februari, Harry Croes a bisa "oke, dal bay" esta pa Centro di Bario Tanki Leendert organiza e festival. RayAnne Hernandez a pidi pa drenta den contacto cu Harry Croes of Robby Rosel pa asina por bolbe aclarea e asunto aki. Por comprende for di Rayanne Hernandez cu su festival ta sigui cu cooperacion of sin cooperacion. Si no yega na un solucion, lo ta bay tin dos categoria Juvenil, o sea, un di Harry y otro di Centro di Bario Tanki Leendert.

PARTIDO MEP:

Lainda Kemp-Westerhof tambe a perde strea di Nort

SEGUN AVP ARUBA NO TA SUSHI!



STA. CRUZ -- Den parlamento a trata e presupuesto di minister di infraestructura, Benny Sevinger. Di parti di AVP parlamentario Lainda Kemp Westerhof a hiba palabra, y a zundra esnan cu ta keha cu Aruba ta sushi. Segun Lainda hende mester stop di keha y zundra. No ta berdad cu Aruba ta sushi. Es mas, el'a tilda tur esnan cu ta keha cu Aruba ta sushi, cu nan falta inteligencia. Tur esaki bo por scucha bek riba www.parlamento.aw. Ta tristo con e parlamentaria Lainda

aki ta sconde su cabez den tera y no kier realiza cu su gobierno a faya. Dia pa dia tin mas dump ilegal ta wordo crea, pero e parlamentario aki ta mas interesa den su apariencia, cu den e dolor di pueblo. Rond Aruba por mira con mas y mas sushi ta wordo tira, y ta cumula. E consecucionan ta malo pa nos salud, pa nos medio ambiente, pero mas aun, e ta muestra un degeneracion grandi. Den naturaleza por mira con sushi ta wordo tira tur caminda, riba e fotonan adhunto por mira

esey. Mientras cu Aruba ta birando cada dia mas sushi, Minister Sevinger no tin un vision ni un plan con pa combati sushedad. Su unico plan ta pa kita contract for di tur hende cu ta MEP. E unico meta cu e tin ta desangra Serlimar y e planta na Parkietenbos, pasobra tabata un proyecto di MEP. Y ta parce cu e meta final ta pa laga e negoshi di sushi den man di e financiadornan di campaña di e gobierno y especialmente un parlamentario di AVP! Mientras tanto Lainda ta purba convence tur hende cu Aruba ta limpi y pa tur hende stop di zeur. Esaki ta un gobierno cu a manipula cu nos pueblo den eleccion 2009, cu a priminti cu nan tin un plan y nan tin un team. Awel awor, dos aña despues, ta mas y mas sushi nos isla ta birando.



STATEN VAN ARUBA

OPENBARE VERGADERING OP DONDERDAG
23 FEBRUARI 2012 OM 08:30 UUR V.M. IN DE
VERGADERZAAL VAN DE STATEN VAN ARUBA

TE BEHANDELEN ONDERWERP

ENIG AGENDAPUNT:

Onderzoek geloofsbrief van de heer Arondino
Rigobertus Bertino Croes

De Griffier,

mr. J.A. Bastien-Sherman

TA HUUR - FOR RENT

Espacio comercial na **Sta. Cruz 36**. Situa: Ariba caminda principal di Sta. Cruz, net dilanti entrada principal pa Misa di Sta. Cruz. Cu bon Parkeerplaats. Bon pa Beauty Salon, oficina, tienda of cualkier negoshi. Ta huur completo of mitad. Tin espacio di **Afl. 650.00/Afl. 1100.00/Afl. 1500.00 mensual**. Pa informacion yama **739-0101 Ecro Real Estate**



Dia di Lenga Materno

21 di Februari

SKIRBIE CORECTAMENTE

E Gran Dictado di PAPIAMENTO



Participa Y Gana Premio!

Fecha: 25 di februari 2012

Orario: 7:30 - 9:30 p.m.

Luga: Cas di Cultura

Entrada: Gratis

STA. CRUZ -- Dia 21 di Februari ta Dia Internacional di Lenga Materno. Un dia pa pone extra atencion na nos dushi Papiamento. Pues nos no por laga e dia aki pasa bay sin celebr'e. E poeta Rosabelle Illes a bin cu un tremendo idea pa tene un competencia di dictado. Y cu cooperacion di Departamento di Enseñanza Aruba, Departamento di Cultura di Aruba, Grupo di Corector y Fundacion Lanta Papiamento ta organiza un anochi dedica na nos idioma materno, unda e competencia di dictado tambe ta forma parti di dje. Bin demonstra cu bo sa skirbi un bon

Papiamento y cu bo conoce e reglanan di ortografia of simplemente bo kier siña mas con pa skirbi nos Papiamento corectamente. E dictado a ser redacta pa Ramon Todd Dandaré Mag. Ling. conhuntamente cu drs. Joyce Pereira y lo keda presenta pa e poeta Rosabelle Illes. E participantenan lo skirbi 13 frase na Papiamento. Despues lo tuma un pausa unda tin oportunidad di busca algo di come y bebe mientras cu e hurado ta corigí e dictado. Ramon Todd Dandaré lo duna informacion tocante e dictado y ortografia di Aruba.

Finalmente lo anuncia e ganadornan di dictado y esnan di haiku, sigui pa entrega di e premionan corespondiente. P'esey diasabra 25 di Februari bin pasa un rato ameno y alavez educativo combina cu varios presentacion na Cas di Cultura. Por inscribi di antemano pa participa na e dictado via e-mail papiamento.aruba@gmail.com. Sea asina bon di pone bo nomber, telefoon, edad, school y/of trabao. Tambe por inscribi personalmente diasabra 7'or di anochi, pa asina nos cuminsa 7:30 cu e dictado. Ta bay tin premionan sorpresa pa esnan cu sobresali.

TOUR PA COSTA RICA SUIZA CENTRO AMERICANA

"PURA VIDA"

STA. CRUZ -- Grupo Flor di Violeta ta participa di su tremendo excursion "Costa Rica Pura Vida", cu ta sali Juli 23 y ta regresa Augustus 2, 2012.

Un tour exclusivamente pa disfruta di e naturaleza, mihor conoci como e "Rainforest Tour".

Lo bishita hopi diferente ciudad direccion norte di Costa Rica y lo yega te na e frontera cu Nicaragua.

Lo bishita lugarnan masha exótico y sumamente interesante den e vecindario di e famoso Volcan Arenal, y aprecia e actividad di e volcan durante anochi.

E parti cultural tampoco no lo bay falta, lo bishita tambe un finca na unda por aprecia e Costa Rica di antaño y por saborea e cuminda y baile típico.

Lo bay navega den un lancha, respira e aire dushi y disfruta di e clima sabroso.

Oportunidad pa subi den un Sky-Tram y aprecia un escenario masha bunita di un bosque lluvioso.

Pa esnan mas hoben lo tin e posibilidad pa experimenta e Water Rafting, Bungee Jumping, Sky Trek y mucho mas.

Tambe lo bishita e parti Sur di Costa Rica; E ciudad Cartago y vecindario y subi e

famoso volcan activo "Irazu".

No por yega Cartago y keda sin bishita e Basilica "Maria de los Angeles". Tambe nos lo bay dal un trip den e famoso Capital San José, unda nos por aprecia museo, teatro y mucho mas.

Por ultimo, nos por menciona cu participantenan lo keda durante e dushi hopnan aki na diferente hotel renombra y famoso cu tin ariba e programa, unda por conta cu tur e facilidatnan di Restaurant, Cable TV, Telefoon, Pool, Gymnasio, Spa, Servicio di Lavanderia.

Tiendanan di souvenir, Coffee-Maker y Safe-Box den kamber.

Nos ta informa cu cuponan ta limita, no tarda mas, nos ta cera e tour aki fin di e luna aki! Pa mas informacion y splicacion di e interesante y dushi programa aki por tuma contacto cu Francisco Arendsz ariba celular (297) 593-0606, of por email franciscoarendsz@hotmail.com pa un cita.

No perde e tremendo oportunidad aki pa conoce e pais mas extenso. Costa Rica e Suiza Centro-Americana.

Francisco Arendsz Roberto Arendsz

CRUZ CORA ARUBA TA YAMA DANKI NA TUR SPONSORS, COLABORADOR Y VOLUNTARIO



STA. CRUZ -- Carnaval 58 a yega y a pasa nos voorbij hopi liher y Cruz Cora Aruba a duna asistencia na mas di 30 actividad di Carnaval, brindando e comunidad un tranquilidad ora di bay un actividad. Esaki pa mas di 30 aña caba, voluntarionan ta haci cu curazon. Pero nan trabao ta wordo haci mas facil cu ayudo di hopi. Pesey cu e comunicado aki, Cruz Cora Aruba kier gradici tur cu a duna su apoyo y sosten, manera: Stichting Carnaval Aruba- IMSAN - Cuerpo Policial -

Visser Trading - Tropical Bottling Company - Manrique & Capriles - Aruba Aloë Balm - Victoria Bottling Company - Valero Refinery - Mourik Caribbean N.V.- Aleda N.V.- Dienst Openbare Werken - Albo Aruba N.V. - Quota Club of Aruba - Tec Aruba - International School of Aruba -

Deals on Wheels - Customs Construction - Colegio Arubano - Zenitel . Tur nos voluntarionan cu a traha duro 6 siman largo pa cumpli cu Cruz Cora, famia, school y trabao. Danki tambe ta voluntarionan di Saba, St. Maarten y Hulanda cu a join e team pa e ultimo siman di Carnaval.

Un danki special na e comunidad di Aruba cu a apoya y coopera cu nos riba caminda y cu ta ehempel pa otronan

Maltrato, intoxicacion y accidente di auto a resalta durante fin di siman na Departamento di Emergencia di Hospital



STA. CRUZ -- Departamento di Emergencia di Dr. Horacio E. Oduber Hospital a trata durante e ultimo fin di siman di Carnaval 58 bastante paciente cu keho di maltrato, paciente cu a sufri di accidente di auto y tambe paciente cu intoxicacion di alcohol. E registracion pa e victimanan a cuminsa diabierna 18 di Februari 2012 te cu dialuna 20 di Februari 2012. Remarcabel ta e hecho cu di e 7 victimanan di accidente di auto 5 ta ser femenino entre 20 aña pa 56 aña di cual 1 tabata bao di influencia di alcohol y 1 a ser admiti den Hospital. Di e 11 victimanan di maltrato, 5 tabata ser femenino

entre 25 cu 55 aña di cual 1 tabata bao influencia di alcohol y 1 a ser admiti den Hospital. E otro 6 victimanan di maltrato tabata masculino entre 15 cu 50 aña di cual 3 tabata bao di influencia pero ningun a ser admiti den Hospital. Pa loke ta trata victimanan di intoxicacion 2 tabata femenino y 2 tabata masculino entre edad di 15 pa 20 aña na unda tur 4 a ser admiti den Hospital. Un fin di siman bastante druk pa Departamento di Emergencia na unda cada trahado a pone tur nan empeño pa yuda tur paciente lo mas liher posibel brindando e calidad di servicio cu un y tur merece.

MADURO HEAVY EQUIPMENT N.V.

**Santo pa Basha, Santo pa Pleister,
Crushed Sand, Piedra, Tera pa Mata,
Graniet. Tambe nos ta Rosa Tereno,
Coba Pos y Fundeshi.**

ROOI BOSAL 49

TEL.: 585-1708

FAX.: 585-6299



PUEBLO A HAÑA SU PEN BEK

Pa kualkier informacion
solodipueblo@gmail.com

of
☎ 585-9500

Kiebro na Boutique den Dakota Shopping Paradise



STA. CRUZ -- Diamars anochi polis a ser notifica cu alarma di un tienda den Dakota Shopping Paradise a bay on y cu tin 2 hende lo a sali cu saco core bay. Na yegada di polis enberdad a haya e glas parti dilanti banda di e entrada, kibra. Paden bo por mira un blokki masha grandi mes cu a ser usa pa haci e destruccion aki. Segun persona eybanda e supuesta 2 personanan aki lo mester a core cruza caya y drenta manera un lugar of cas bandona dilanti mes. Polis a rondea y lusa pero sin resultado. Despues aparentemente nan lo a waak nan drenta Dakota y desaparece. Compania di seguridad a presenta hunto cu doño di e edificio pa waak e daño. Doño di e boutique mes no a ser localiza na e momento ey.

Asina aki bo por waak cu ladroncia ta sigui y nan no ta stop.

PENSIOEN? E CONTESTA TA

ennia!

DICON:

- + Un ehecutur di pensioen confiabel y cu ta Financieramente bon para
- + Expertonan riba pensioen cu conocimiento real di e materia
- + Un areglo di pensioen riba nivel: flexibel, simpel y transparente
- + Servicio optimal pa full bo organisacion di Comienso te fin

Laga ENNIA ta bo ehecutur di pensioen y experiencia un nivel di servicio halto. Tuma contacto cu ENNIA of bo broker pa un consejo transparente y amabel.

+ Rendimento garantisa di 4% pa e prome 5 añanan

Pa mas informacion JAMA: 582 2000 | CLICK: www.ennia.com

Awe e bailarina di cas ta cumpli su 6 año

Claryleen Hillany de Cuba



Masha Pabien ta bin di parti su amiguitanan y su grupo di baile Shining Stars. Tambe di Juffrouw Lientje. Di tur su amiguitonan di Scol Preparatorio Nos Paraiso y di Juffrouw Suzy. Tur su amiguito y amiguitanan di Meta Care. Hopi braza cu sunchi ta bin for di Nana Mama Papa, tambe di Momo Etienne y Armando. Su dos bodyguardnan no por keda afor, su rumannan cu e stima un mundo: Qyzjón y Kdince. Claro cu un mundo henter di braza cu sunchi ta bin diparti Mami cu Papi. Nos ta stima bo hoooopi mes
(Popchi;))

Hiep Hiep Hoeraaa nos ta canta pa nos
Princesa di Seroe Pita y Mandingo's Snack,



Claryleen de Cuba

Palabra di Pabien ta bin for di su wela y welonan
tanchi Jazmin na Hulanda y su primita D-Leylah.
Su rumannan Qyzjon y K-dince. Mas cu Claro
di parti Mami cu Papi cu stime masha hooooopi
mes!!!! Pasa dushi awe poppetje;))

Hiep Hiep hoera!! E prins di cas



Aidan Reginald Miguel Bello
ta cumpli 6 año awe. E ta haya un
macuto yen di sunchi y braza di su
Mami Meruza, sin lubida di henter
famia Wever y Fuentes. Ah y di su
Pie cu ta cla pa festeha den pool e
weekend aki. Tambe Solo di Pueblo
ta desea Aidan feliz cumpli año y cu e
y famia pasa dushi awe!!!

Natalie Dubero-Alberts



We have lived so closed 2 each other like forever. Bound in love & understanding together. So today even if we R miles & miles apart, I promise, U will always B a part of my heart. Happy Birthday, my dear sister! Love & Miss U SO much! Hugs & Kisses all D way from Holland from your big sister Mariela "Yeya" Alberts.

3 MAART 2012

FAYA BO HAYA 4 UPGRADED

BIG CASH PRIZES

STREET LEGAL BIKE 750,-
STREET LEGAL AUTO 1000,-
KING OF STREET 1000,-
SCOOTER 350,-

DEMOLITION DERBY 1000,-

Sponsored by: Da Silva Racing
Lucho Towing

RuiZ Take Away

D-Prime

UC

SaloGom SOLO

Beatz Entertainment

22

@palomarga

Auto a sali dilanti otro na Tanki Leendert

STA. CRUZ -- Poco pabao di Glenn's Take Away na Tanki Leendert un accidente a tuma lugar unda un señora tras di stuur di un Ford a keda herida. Polis a presenta na e sitio y a constata cu e señora a subi caminda net momento cu un pickup s-10 biniendo di pariba a bin dal den dje. E auto a bay cay pazuid di caminda. E señora a wordo transporta pa hospital cu ambulance.



APA ta registra reservacionnan di Barco Crucero pa 2014

STA. CRUZ --Reservacionnan di barconan crucero pa e prome mitar di 2014 ta sigui drenta na Aruba Ports Authority N.V.. Segun expertonan den e industria entre 2011 y 2014 e industria crucero global ta sperando alrededor di 14 barco crucero adicional. E barconan adicional aki lo trece aden un entrada anual calcula na \$1.6 biyon dollar. Nan ta calcula cu pa 2014 lo tin un total di 21.6 miyon pasahero crucero, mundialmente. E barconan nobo cu lo bay drenta e mercado entre 2012-2014 lo atrae e atencion di esnan interesa den biahe y lo crea interes particular specialmente debi na e

hecho cu e prijsnan ta hopi competitivo pa e balor di e itinerario cu e turista ta cumpra y lo produci mas persona cu lo tuma un crucero pa prome biaha den nan bida, esta e "first time cruisers". E average cruise revenue per passenger (APCD) global ta di \$208.57, desde 2011, cu ta un aumento di 5.2% compara cu 2010. E barconan mas popular cu lo drenta entre e nobonan lo ta: Liña - crucero - Nomber di Barco - Launch: Disney Cruises Disney Fantasy Mei 2012' Costa Cruises Costa Fascinosa - Mei 2012; AIDA -AIDamar - Mei 2012; - Oceania - Cruises Riviera - Mei 2012; MSC - Cruises MSC Divina - Mei 2012; Carnival

- Carnival Breeze- Juni 2012; - Celebrity Cruises - Celebrity Reflection - Oktober 2012; - NCL- Norwegian Breakaway - Qtr 2 - 2013; - AIDA - AIDA stella - Qtr 2 2013; Princess Cruises - Royal Princess - Qtr 3 2012; Princess Cruises- Pendiente Qtr 2 - 2014; NCL- Norwegian Getaway - Qtr 2 2014; Royal Caribbean - Pendiente Qtr 3 -2014. Segun expertonan e barconan nobo ta conoci como e "Apple iPhone's of the sea". Nan ta genera emocionnan cu ta yuda trece un viahe den spotlight y ta yuda penetra e mercado di personanan (55% di e "core market" Mericano) cu nunca a bay ariba un crucero.

DIRECTOR NOBO PA IMSAN, DR JOEL RAJNHERC

Un Arubiano cu a lanta na San Nicolas



STA. CRUZ -- Desde aña pasa e Instituto Medico San Nicolas ('Imsan') ta buscando un director nobo pa e instituto medico. Finalmente Imsan awor a logra pa atrae un director Arubano cu ta e medico Docter Rajnherc cu ta masha conoci den nos comunidad. Ta basta tempo caba Imsan ta buscando un director pa e instituto por funciona optimalmente. Desde cu e Hunta di Supervision nobo a sinta e prome tarea tabata pa apunta un director. Temporalmente y conforme ley e hunta a apunta un miembro di hunta pa temporalmente tuma e posicion di director pa asina optimaliza e funcionamiento di Imsan. Imsan ta masha contento mes cu e nombramento di Docter Rajnherc como director. Docter Rajnherc a lanta na San Nicolas como mucha. Despues di Colegio Arubano el'a bay studia na Hulanda y a traha na diferente hospital manera Emma Kinderziekenhuis na Amsterdam y Mariastichting Ziekenhuis na Haarlem. Na anja 1994 Docter Rajnherc a bolbe Aruba bek y ta masha conoci y stima como dokter di

mucha. Docter Rajnherc ta tambe e organizador y presidente di e Dr. Bryson Pediatric Symposium cu a cuminsa na 2006 na unda ta duna informacion nobo riba e desaroyo medico. Tambe Docter Rajnherc ta co-fundador di Arubaanse Vereniging van Specialisten in Dienstverband, Specialist Manager di "Cluster Vrouw en Kind" y presidente di e "Vakgroep Kindergeneeskunde" na Dr. Horacio Hospital. Docter Rajnherc tin tambe en total 12 publicacion hunto cu otro medico y presentacion manera den European Journal of Pediatrics, Abstracts of Annual S.S.I.E.M. meetings, British Journal of Urology, Nuclear Medicine Communications, Congres Nederlandse Vereniging Kindergeneeskunde. Imsan ta hopi orguyoso cu nan tin un director Arubano di San Nicolas y tin confianza cu e nombramento aki un era nobo lo cuminsa na Imsan. Imsan tambe ta hopi agradecido na sr Roossien cu temporalmente ta encarga cu e tarea di director.



Kerekentenchi party Explosion

Bo ta desea un fiesta super divertido, bon anima, diferente pa bo yui su cumpleaños?

Tio lyo hunto cu Kerekentenchi crew lo por duna bo un fiesta inolvidable

Loke ta bo desea nos ta hasie un realidad. Pa info jama nos na 567-9696 of email na kerekentenchi@live.com

Of wak nos riba Facebook: Kerekentenchi



TA BUSCA

SCORPION WATCH REPAIR.

CELL.5655223

PERSONA DI CONTACTO "HIRLEY"

**TA BUSKA UN HORLOGE MAKER.
PROME CU JAMA MESTER PASA
REGISTRA NA D.P.L SEROE BLANCO
#4.**

**CU BO CEDULA OF PAPEL (CENSO
5,-) DI REGISTRO CIVIL ENTRE
7.30-11OR MAINTA DI DIALUNA PA
DIABIERNA .**

TA BUSCA

JAVINAND. N.V

CELL. 7427707

**PERSONA DI CONTACTO SR.
HENRICH.**

TA BUSCA UN KNIPSCHAAR.

**PROME CU JAMA MESTER PASA
REGISTRA NA D.P.L SERO BLANCO
#4 CU BO CEDULA OF PAPEL DI
CENSO 5,- DI REGISTRO CIVIL ENTRE
7.30-11.00 MAINTA DI DIALUNA PA
DIABIERNA**



Wit Gele Kruis cu dianan di checkeo di sucu, colesterol, triglycerides y presion na maart 2012

STA. CRUZ -- Personal di Wit Gele Kruis ta recorda tur cliente y pueblo en general cu tin atardinan pa controla na Oranjestad, San Nicolas, Sta Cruz y Noord di 2.30 – 4.30 pm na luna di maart 2012. Tambe por laga corta huña di man y pia riba e atardinan aki. Schedule pa Maart ta lo siguiente:

Na Oranjestad	diamars	13 Maart	2.30-4.30 p.m
Na SanNicolaas	diarason	14 Maart	2.30-4.30 p.m
Na Sta Cruz	diahuebs	15 Maart	2.30-4.30 p.m
Na Noord	diabierna	16 Maart	2.30-4.30 p.m

Miembronan ta paga pa controla Afls.12,00 y no miembro ta paga Afls.20,00. Pa corta huña miembro ta paga Afls.12,00 of 15,00 y no miembro ta paga fls 20,00 of Afls. 25,00.

Pa mas informacion por yama oficina principal tel: 523-4444 of oficina di wijkzorg (cuido na cas na Paradera) tel: 523-4418 / 523-4419 /523-4420. Ta recomendabel pa no come pisa 2 ora prome cu e checkeo.

Bo salud ta importante y pa cuida esaki pa semper.



Angelo Rodriquez a perde su promer Pelea contra di Charles Schaumann di California USA



bin pa bay pa bringa. Charles Schaumann cu ta mas cu Angelo Rodriquez a sa di desvia mas liher cu Angelo Rodriquez unda cu e tabata score su puntonan mas liher cu Angelo Rodriquez. Teo Rodriquez kende a coach Angelo Rodriquez a haci tur

cu e tabata tin pa un victoria, pero mester a keda satisfecho cu e score di 11-3. Diarazon Nigel Ras di Oranjestad Taekwondo Center y John Hairo Maduro di Tiger Taekwondo Academy nan turno pa bringa den e US - Open. Ambos atleta ta den poulanan hopi pisa,



STA. CRUZ -- Angelo Rodriquez a perde su promer pelea contra di Charles Schaumann di California USA. Diamars mainta trempa Angelo Rodriquez di Tiger Taekwondo Academy a topa cu e Mericano Charles Schaumann di California, Merca pa e promer biaha. Esaki den e US - Open di Taekwondo na Las Vegas. Charles Schaumann no a basila y a cuminsa ataca Angelo Rodriquez den e promer secondenan di e pelea. Angelo Rodriquez na su banda no a para keto, pero tambe a laga sa cu el'a



Aruba den gara di futbol:

Fin di siman tin weganan di COPA TELMEX-COMCEL

Aruba contra Colombia



hunga riba canchanan di Club Millonarios di Bogota mientras cu e gran final a tuma lugar riba e cancha banda di e Stadion El Campin. Cu e cooperacion di AVB y en conexion cu nan celebracion di 80 aniversario di existencia, IDEFRE y Ministerio di Salubridad Publico y Deporte ta haci e weganan aki posibel y ta invita henter fanaticada di futbol pero specialmente e colonia Colombiano biba na Aruba pa bin presencia e weganan y bin apoya

e futbolistanan diana 24 y 25 di Februari 2012 den Centro Deportivo Frans Figaroa na Noord.

Diabierna dia 24 di Februari 2012 ta cuminsa ya for di 5'or p.m. cu actonan protocolario pa despues sigui cu e prome wega cu ta cuminsa exactamente pa 6'or p.m. Entrada pa tur e weganan ta completamente gratis.

STA. CRUZ -- Diabierna 24 y diasabra 25 di Februari 2012 ta tuma lugar encuentronan di futbol internacional entre Aruba y Colombia, riba cancha di Centro Deportivo Frans Figaroa na Noord.

E campeon femenino di Cauca y e campeon masculino di Bogota den e torneo nacional Copa Telmex-Comcel 2011 ta aki pa enfrenta equiponan di Aruba. Den futbol femenino, equiponan di RCA y Bubali ta sali pa representa Aruba, mientras cu den futbol masculino e equiponan pa defende Aruba ta Britannia y Deportivo Nacional.

E intercambio deportivo aki ta posibel danki na un acuerdo bilateral cu tin riba tereno di deporte entre Colombia y Aruba. E acuerdo aki a keda renoba na aña 2010 door di Minister di Salubridad Publico y Deporte Dr. Richard Visser.

IDEFRE como entidad di deporte di Gobierno di Aruba ta responsabel pa ehecutcion di e

proyecto aki na Aruba. Danki ta bay pa e colaboracion hopi estrecho cu directiva di Arubaanse Voetbal Bond. Pa e medio aki a yega na un acuerdo pa selecta e equiponan di Aruba cu ta participa na e Copa TELMEX-COMCEL e fin di siman aki.

Copa Telmex-Comcel, kico e ta?

Copa Telmex-Comcel na Colombia ta e torneo mas grandi di futbol amateur den cual ta participa mas cu 40.000 deportista di tur departamento di e pais. E torneo ta cuminsa den luna di Augustus y ta termina den luna di December. Dencada departamento e teamnan ta cuminsa hunga representando nan ciudad eliminando otro te ora e number 1 di cada departamento keda identifica. Despues e campeon di cada departamento ta topa otro den siguiente fase eliminatorio pa yega na e 16 mihor equipo cu despues ta hunga na Bogota. E aña aki e octavo, quart y semi final a keda



The Aruban Chef
Mas hopi biaha bo come,
Mas lihe bo ta den avion.

Cu cada afi 50 cu bo gasta na The Aruban Chef bo ta haya un Ticket pa bo por participa den e campaña di come y biaha cu The Aruban Chef.

E siguiente Campaña pa gana cu The Aruban Chef lo start 30 January 2012 y lo termina 25 di Maart 2012 cual premio lo ta "WWE Wrestlemania 28" ... Pasashi pa Miami pa 2 persona ida y vuelta, 4 dia di estadia paga na Howard Johnson Hotel Plaza (Hialeah) tax inclui, Transport di Airport pa Hotel y di Hotel pa Airport, Transport di Hotel pa Sun Life Stadium y di Sun Life Stadium pa Hotel, Entrada pa 2 persona na WWE Wrestlemania 28.

WRESTLEMANIA XXVIII
Miami, Florida
Sunday, April 1
2012

Tanki Leendert # 247 B
Tel: 587-9300 / Fax: 587-9303 / thearubanchef@gmail.com

TA BENDE

Chevrolet Venture 2001
color cora long bed

Pa mas informacion
yama 7499390

Prijs 3500 fl.

TA BENDE

Car dvd player in dash
masha poco usa mes
cu prijs di ganga

Yama 7499390 pa
mas informacion

PEST CONTROL

Si bo tin problema cu Houtluis, no warda pa nan
caba cu bo cas, yama e
expertonan di Primito Pest Control and Landscaping.

Primito Pest Control ta e UNICO cu por dunabo E
bon-trabao y e

garantia cu ABO merece.
Pa e luna di Februari Primito Pest Control ta ofrece
5 % di descuento

riba tur trabaonan di Houtluis.
Tambe Primito ta introduci su servicio nobo di Weed
Killer.

Pa SOLAMENTE 90 florin nos ta spuit full bo cura
cu Weed Killer y
asina mata tur e yerbanan indesea.
Primito Pest Control and Landscaping ta habri 7 dia
pa siman for di
7'or di mainta pa 7'or di anochi.

Yama Primito Pest Control libremente na 741-0000
pa un quotation

GRATIS sin niun obligacion.

Telefonnan importante:

BOTICANAN:

Maria	585-8145
Di Servicio Noord	586-4606
Seroe Preto	584-4833
Fergusonstraat	583-0620
Kibrahacha NV	582-2007
Oduber NV	582-1780
Paradera	588-6638
Santa Cruz	585-6890
San Lucas	584-4830
San Nicolas	584-5712
Santa Anna	586-0027
Trupiaal	582-8671
Eagle	587-9011
4 Centro Medico	584-5779
Aloe	584-4606
Central NV	585-1965
Dakota NV	588-7364
Del Pueblo	582-1253

POLIS:

Oranjestad	100
San Nicolas	104
Sta. Cruz	105
Noord	107
Tip-line	11141
Brandweer/Ambulance	911
Guardacosta	913
Seguridad National	11911
Hospital	527-4000
Centro Medico	524-8833
Setar storing	117
Web Storing	525-4600
Elmar storing	523-7147

Agencia Funeral:

The Olive Tree	584-8888
Ad Patres	584-2299
Aurora	588-6699
Mementomori	582-2222

Fundacion:

Cas	584-2050
Fada	583-2999
F A V I	582-5051
Famia Planea	588-9591
Autismo Aruba	588-1179
Pa Hende Muher	583-5400
Pa Hubentud	588-6138
Bloedbank Aruba	587-4260
Solo di Pueblo	585-9500
Canal 22	585-9500
Tip pa redaccion	592-6895

Dokter y Botica na Warda pa bao di Brug:

Horacio Oduber Hospital:
Februari 18-25
Botica Eagle
527-4000

Dokter y Botica na Warda pa riba di Brug:

Centro Medico
524-8833

WEBSITE

Ta traha Website rapido
y profesional
Facil pa mantene
Diferente pakete
Prijsnan ta cuminsa
desde fls 500,-



660 1731



rangeraua@gmail.com

C O N D O R I T O



NO. 1 DEN LOTERIA

CADENA ALEXANDER

FECHA : 22 FEBRUARI 2012

STO.DOM	CORSOW	DIARIO	SUPER 4	LOT/CAT	BIG 4
	9820	2360	1095	9792	4191
	3669	1257		5844	
	4971	9079		5929	
4 SKINA	9041	2099			
LOTTO		04-10-14-23-25			
JOKER		33			
LETTER FREE		D			
ZODIAC		6052 Capricornio			



CLASIFICADO



Medical & Home Healthcare Services

Av. Milo Croes 52, Dakota - Aruba
Tel. 582 6651 / Fax 582 6567

BUSCA TURBO PRODUCTIONAN DIABETICO

Manera:

Diabetic Hand, Elbow & Knee Lotion

Diabetic Face Care

Diabetic Nail & Finger Cream

Diabetic Foot Massage Cream

Diabetic Key Chain (Jabero)

Diabetic Bracelet and Necklace (Armband i Cadena)

Special Medical Diabetic Shoes

Glucos Perfect (Machine pa test sucro den sanger.)

Labco Medical
lider den productionan
Diabetico na Aruba

TA BENDE

Un walk in cooler/ freezer industrial di marca Kolpak

7' 8" x 11' 7" x 8' 3.75" walk in cooler

Manual sliding door / white finish / 2hp refrigeration

Afl. 18.000.00 discutible

Excelente pa restaurant of pa tene producto friu

Contact: 739-0101

SI BO TIN ALGO DI BENDE... BO TIN ALGO PA REGALA... BO KIER ALGO, ACERCA SOLO DI PUEBLO NA solodipueblo@gmail.com of pasa na oficina na Sta. Cruz



**Ta busca un
peluquera estilista
cu experiencia**

Pasa personalmente na
Centro Comercial Noord # 82
of yama 5867272 / 7303327 pa un afspraak.

TA BENDE

**1 DOUBLE
CD PLAYER
DENON MARCA
GEMEMIS POR
YAMA :
566-0060**

TA BENDE

**GORDURA WATAPANA
10 FLS HEMCHI
5 GALLON
VERF+CHAPI CURA
15 FLS PA ORA
YAMA 593-8620 /
585-8101
PUNTRA PA MIKE.**

Oportunidad pa trabao

Pizza Bobs ta
buscando
Dishwasher y
Nightcleaner
Yama ibrememente
5928697

TA BENDE

Un Ford Explorer
1998, start core of
pa parts.

Ta bende masha
barata. Afl. 2500.00

Yama: 592-6895

FOR RENT

Commercial Space
na Noord 6 X 20

M2 = 120M2

Den mesun edificio

di Botica Noord

Prijs atractivo

Yama 7307000

TA BENDE

Nos ta recoge bo
auto bieu y tira afor.

Yama nos na:
562-5282

Servicio rapido!

Urataca center

**Pan cayente
tur atardi
4:30 p.m. di
Dialuna pa
Diasabra**

TA BENDE

Un fridge 3
luna bieu pa
900 florin. Pa
mas info yama
tel: 5643344

TA BENDE

Un Mitsubishi Galant 1997

Color shinishi, Automatic, Airco, Power Windows, Power
Steering, Reem

15", Prijs solamente

6.500,- of mihor

oferta! Interesado

serio call: **592-6080**

entre 4pm - 7pm



TA BENDE

Un Nissan Sentra
2005, standard
cu airco pa
awg.12000.00 pa
mas info yama
5922622

TA BUSCA

Un porta: Roll up/ Roll
down pa instala na un
warehouse.

Hanchura
aproximadamente entre
10 pia, 3 meter.

Contact **739-0101**

FOR SALE

By owner, un
apartamento 2 kamber,
baño, cushina y sala.
Tereno propio situa
den vecindario di Hotel.
Vraagprijs Afl. 125000.
Yama 7307000.

TA BENDE

**TERENO NA
STA. CRUZ**

TA BENDE TERENO
BON UBICA NA

STA. CRUZ

Na Papijon, cerca di
caminda grandi.
622m2

Call: **730-7000**

TA BUSCA

un Toyota Yaris año
2009.

automatic-macriem -
alarm- full gkwp

un solo doño. por
bell **566-6131**

FOR RENT

Beautiful apartment
located in Westpunt
13-K , appt. no.3, 2
bedrooms, kitchen
full-equipped, price
Afl. 1200,--, phone
594-1402

Ta bende:

3 Point of Sale terminal,
RADIANT P1210,
touchscreen. Sistema
electronico pa registra
benta cu ta wordo usa
pa maneha restaurant
of bar. Ta wordo usa
cu e popular software
ALOHA. Tur 3 ta den bon

condicion. Tabata den uso di 2007 pa 2008,
solamente 1 año. Afl. 2000.00 pa un, of
Afl. 5000.00 pa tur 3. Pa info: Call 739-0101



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500

PARADA GRANDI NA SAN NICOLAS CU HOPI AMBIENTE



Natalia Leon-Alberts

In your birthday cake I want to dedicate 1 slice to love, 1 slice to courage, 1 slice to determination, 1 slice to peace of mind and 1 slice to fortune. May all these slices come together to form a life for you, which is sweeter than any cake in this world. Happy Birthday lovely sister. Love and miss U so much. Hugs & Kisses from Holland from your big sister Mariela "YEYA" Alberts.



Happy Birthday to you, you 2 belong to the ZOO! Awe ta net 3 aña pasa cu Dios a bendiciona nos cu nos prinsesnan
Arianne Isabella y Arianni Emylaine

Hopi sunchi cu braza di parti Mami Adriana cu Papi Felix, ruman Edrie y Jourdy, Mama Mercedes, tur tanchi, tio y tur primo y primanan. Madrina y padrinonan, tur ta bay canta Happy B-Day awe pa boso. We love You!!



Happy Birthday awe pa mi twin sisters
Natalie "Natie/Talie" Dubero Alberts y Natalia "Talia/Taya" Leon-Alberts

Felicitation di parti esposonan Regmy Dubero y Jhon Leon. Yiunan: Nahely y Suehely Dubero y Jhon Robert Leon. Mama Astrid Alberts. Rumannan Mariela "Yeya" y Roberto "Beto" Alberts. Sobrin@ Gilaine y Gilmer Koolman y demas famia. Hopi braza y sunchi na gran cantidad for di Hulanda di boso Big Sista Yeya. Pasa un super dushi dia!!



5 km walk & zumba

PREMIO

Premionan lo wordo
anuncia na final di e
caminata

Fecha : 11 mart 2012
Orario : 16.00
Lugar : Fisherman's hut
Drijs : f 5,- p.p.

Muchanan di 0 pa 5 aña ta drenta gratis.

Cumpra bo carchi awe mes !!!

**Ban apcva
nos studiantenan di Ipa
pa cumpli cu nan
pasantia
Internacional.**

Pa mas informacion yama :
Lucienne Maduro
5666434
Arauna Rasmijn
5622178



A goal properly set is halfway reached !



ICE BERG SAVANETA
 TA PRESENTA

 DIABIERNA 24 FEBRUARY 2012
ICE BERG MUSIC & BADU BAND

 9PM - 3AM - ENTRADA : AFLS. 5.00

 DIASABRA 25 FEBRUARY 2012 - ZETA BAND & PLEZI MIZIK

 ENTRADA: FLS. 7.50

 9PM - 3AM DIADOMINGO 26 FEBRUARY 2012

 "SUNDAY LOCO HAPPY HOUR"

 IMPAK & DJ. MONDITO

 9PM - 1AM - ENTRADA: FLS. 5.00

 E BAR TA HABRI TUR DIA FOR DI 4PM TE LAAT ANOCHI

 E RESTAURANT TA HABRI PA LUNCH TUR DIABINI UN BINI TUR BIN PASA DUSHI NA ICEBERG SAVANETA

 BlackBerry® available from SETAR. Get Yours at all SETAR Teleshops.

Iniciativa "Placa Chikito" di Kiwanis Young Professionals Aruba pa tur 4e klas na Aruba

KYPA ta brinda proyecto "Placa Chikito" pa engrandece educacion financiero pa nos muchanan

STA. CRUZ -- Recientemente, Centrale Bank di Aruba (CBA) a publica cifras di un encuesta cu ta muestra cu e conocimiento financiero na Aruba ta inadecua. Tambe a sali na cla cu 35.9 por ciento di hogarnan ta biba den un situacion caminda cu nan gastonan mensual ta suprasa nan entrada. E resultadonan aki ta indica cu nos pueblo ta limita door di falta di habilidad den manejo di placa. Kiwanis Young Professionals Aruba (KYPA) a tuma nota di resultadonan aki y ta comparti e opinion di CBA cu ta importante pa promove y trece educacion financiero na e pueblo. Bon educacion riba tur tereno

ta cuminsa tempran cerca nos muchanan, asina tambe educacion financiero. Pa duna un man pa engrandece educacion financiero na nos muchanan, KYPA a tuma e iniciativa pa desaroya e proyecto "Placa Chikito". "Placa Chikito" ta consisti di un presentacion di 1 ora caminda cu e muchanan di 4e klas di school basico ta wordo educa tocante principio nan financiero solido op spelender wijs y usando ehempel di nan bida diario. Temanan cu ta bin na ordo ta: genera placa, spaar placa, con ta gasta placa concientemente y tambe con por contribui na nos comunidad door di duna bek. E ultimo aki, no solamente cu

placa pero KYPA kier tambe muestra e balar di actonan caritativo na nos muchanan. E presentacion aki ta wordo brinda completamente gratis na tur school cu kier participa. Ya caba school nan basico a wordo manda un carta caminda e programa ta wordo ofreci. Cu e relato aki, KYPA kier a recorda tur school basico di e oportunidad aki y tambe informa cualkier school basico cu no a ricibi e carta ainda pa tuma contacto pa participa. Pa registracion of pa mas informacion por tuma contacto cu Rendell de Kort na: 7318685 of via e-mail na: dekort@gmail.com. Pa mas informacion tocante KYPA por bishita: [https://](https://www.facebook.com/KiwanisYPAruba)

[www.facebook.com/ KiwanisYPAruba](https://www.facebook.com/KiwanisYPAruba)



NOTICIANAN INTERNACIONAL

Charlie Sheen ta pidi Ashton Kutcher disculpa

Los Angeles - E actor Charlie Sheen ta arepen- ti di su critica fuerte riba Ashton Kutcher, su suce- sor den e sitcom "Two And A Half Man". Sheen a bisa siman pasa cu su sucesor a fracasa y cu e serie a empeora desde cu elabay. Pero awor e ta pidi pordon na




Kutcher, TMZ a in- forma. Kerido Ashton, Sheen a skirbi den un carta. Mi a ekiboca. Mi a falta respet na un hom- ber cu ta haci tur lo posi- bel. El a skirbi tambe cu ainda e ta kere cu e se- rie ta pio, pero cu esaki no ta debi na Kutcher. E ta desea su colega "se- guridad den su biaha di cabayero". Sheen a ser despedi aña pasa a causa di su turbulento bida priva. Desde e tempo ey el a expresa su mes cada biaha mas critico tocante e serie popular, cu segun su opinion, e mihor cos ta pa nan pare lo mas pronto posibel.

Barcelona - Un pandeo den nanishi lo determi- na e aparencia di e auto Formula 1 e temporada aki. E Mercedes nobo tambe tin uno, manera por a observa durante e Circuit di Catalunya na presentacion di e W03. E shete biaha campeon mundial Michael Schu- macher y Nico Rosberg a devela e auto, di cual e parti dilanti no ta fluy y agil, pero na mitad ta ex- pone curvanan angular. E pilotonan a test e auto nobo e proximo cuater dianan extenso riba e pista cerca di Barcelona. Mercedes ta e ultimo

equipo grandi cu tin su auto Formula 1 cla pa 2012. Mientras cu Fer- rari, Red Bull y Mc La- ren tabata core rond y a

Mercedes ta presenta auto nobo

caba desde principio di februari den Jerez cu nan ejemplar nobo, e team Aleman tabata uza ainda e auto di 2011.



Derota pa NBA revelacion Lin cu Knicks

New Jersey - No tabatin quimica entre Carmelo Anthony y Jeremy Lin y esey a causa derota di New York Knick dialuna anochi den e encuentro di NBA cu New Jersey Nets. Knicks a perde cu 100-92. E strea nobo Lin a haci tur lo posibel cu 21 punto, nueve asis- tencia y shete rebounds, pero e cooperacion cu e superestrea di regreso, Anthony a bay cu hopi problema. Anthony a caba di recupera di un lesion na su ingle. Y di e manera aki Williams a haya tur e oportunidad pa converti su mes den e homber di e


competencia dor di score 38 punto pa Nets. Chicago Bulls, e numero dos di e Conferencia Este, a conoce poco problema cu Atlanta Hawks: 90-79. Derrick Rose a haci un come- back despues di un le- sion na su lomba y me- sora tabata riba su pia cu 23 punto. Lider di Oklahoma City Thunder di e Conferencia Este a inclina principal- mente riba Kevin Durant y Russell Westbrook den e victoria cu New Orleans Hornets: 101-93. Durant y West- brook a score 31 punto cada un.

Chris Brown y Rihanna ta traha hunto musicalmente

Amsterdam - Chris Brown y Rihanna atrobe ta hunto. E ex pareha amoroso hunto a drenta un studio pa dos remix. E cantante por ser scucha riba un cancion nobo di Brown entitula "Turn Up The Music" y Brown ta canta hunto riba un remix di Rihanna su cancion "Birthday Cake". Ambos artista a twitter riba e linknan di e cancion- nan. Brown di 22 aña di edad a manda Rihanna un twit tambe pa felicite pa su cumpleaños. Rihanna a celebra su di 24 aniversario dialuna ultimo. Brown a maltra- ta su amiga di e tempo

ey Rihanna na februari 2009, durante vispera di e presentacion di e Pre- mionan Grammy. E in- cidente a duna Chris un orden cu ta prohibi'e pa tin contacto cu e can- tante, un

castigo di trabou pa seis luna y un castigo di pris- on condicional pa cinco aña. Brown tabata pa prome biaha siman pasa diadomingo despues di e incidente cu Rihanna atrobe den accion na e Premionan Grammy.



RCA TA INVITA ARUBA PA CORE Y CANA PA UN BON CAUSA

STA. CRUZ -- Despues cu siman pasa RCA Insel Air ta derota Britannia den categoria di Lifida B cu score di 5 pa 0, e siman aki ta habri cu otro victoria di RCA Big Wheel Lottery powered by Powerade riba Nacional cu 2-0 den e promer wega di segunda vuelta Division di Honor. Como parti di e celebracion di 78 aña diasabra awor pa 7'or di anochi e famia tri-color completo ta invita pa un Santo Sacrificio di Misa na Misa San Fransisco na Playa. Y diadomingo lo bira un dia inolvidabel, ya for di 4'or di atardi

e ambiente lo ta ON na Solito. E Tricolornan di Solito ta organizando un magno evento unda lo tin varios actividad. Atraccion principal ta e POWERADE 6K Run & Fun Walk cu ya caba tin riba 1000 ticket den circulacion. Diadomingo for di 4'or di atardi bo por yega pa registra of pasa di awor caba cerca Carolina na Club despues di 6'or di atardi pa bo cumpra bo ticket adelanta y ta haci bo bida mas facil ora di registra. Pa exactamente 5'or tur coredor lo sali y pa 5:15 tur canador ta sali di Stadion

di RCA. Lo bay direccion rotonde Ponton, sigui pa rotonde Tanki Flip, despues pa rotonde Tanki Leendert y bin termina na RCA. Tin premio pa categoria di masculino y femenino den coremento y canamento. Lo tin tambe premio pa grupo mihor uniforme y mas anima. Pa entretene nos muchanan, ya for di 5'or lo tin un Dino-jump, y riba veld lo tin RCA su equipo nobo di Cricket debutando den nan cas cu nan promer wega di campeonato. Bao dak lo tin mesanan di domino unda Biba

Lekker lo topa cu Ban Topa den un encuentro di fogueo. Musica lo ta na encargo di DJnan di RCA. Despues di caminata tur hende lo haya fruta gratis y lo sigui un Zumba Marathon cu diferente premio. Pa inscribi pa e Zumba Marathon ta solamente Awg 10,00 y por haci esaki cerca Carolina mes na club. Tur entrada di e Zumba Marathon ta destina na nos muchanan cu lo representa Aruba na Juli na e International World Disney Tournament, unda RCA lo representa Aruba cu varios equipo den

diferente categoria. Directiva di RCA ta gradici Tropical Bottling Company cu e bebida POWERADE cu ta e patrocinador principal di evento. Tambe na departamento di Salubiridad cu nan donacion di sport-bottles y asina ta dedica e caminata na e campaña pa combati AIDS. Palabra di gradecimento ta bay tambe na Queen's Restaurant, Old Fisherman's House, Radisson Hotel y tur otro instancia cu a coopera cu e actividad aki.



POWERADE
XION™ ADVANCED ELECTROLYTE SYSTEM

Run & Fun Walk 6K

SUNDAY FEBRUARY 26

5:00 PM

<p>Inscription fee Afl. 5,00 Registration time 4:00 PM</p>	<p>The run & fun walk will start and finish at the RCA stadium. Afterwards there will be a Zumba marathon, Dino Jump, Domino, Ping Pong, music and lots more.</p>	
---	---	---

WWW.RACINGCLUBARUBA.COM



MISIONEROS DE JESUS
FE
ARUBA

Asamblea

Activando Bo Fe

E apostelnan a bisa Señor Hesus: "Hasi nos fe krese"
Lukas 17,5



Orador Invita
Di Panama
Pader Teofilio Rodriguez Diaz

Lugar: Club Caiquetio
Fecha: 2 di Maart 2012
Ora: 7:00 - 11:00 pm
Donacion : Fl. 10.-

Invitacion MDHA



Asamblea "Activando bo fe den Señor"
Club Caiquetio
2 di Maart 2012
7'or - 11'or anochi
Tur denominacion, Religioonnan, Organizacionnan,
Departamentonan
Ta mas cu Bon Bini.
Trece tur Enfermo tambe.




Mementomori Funeral Home

" Señor, mi Dios, cerca Bo mi ta busca ni refugio."

Ps 7:3

Cu honda pena, pero conforme cu voluntad di Dios, nos ta participa cu a fayece cristianamente nos tata y welo stima:



Angel Ruben Trappenberg

mihor conoci como: "Ben"

* 1 Maart 1928 - + 22 Februari 2012

Dia y ora lo wordo anuncia despues.

Dudu



Dudu, ya ta un aña caba cu bo a bay laga nos.

Dudu, un dolor inmenso y bashi grandi bo a laga atras.

For di den cielo nos ta sigur cu Dudu lo sigui cuida y guia nos.

Dudu, cu e fe y speranza den Dios,

Hunto nos a sabi di conforma cu e boluntad di Señor.

Pa medio di esaki famia Penja ta invita tur famia, amigo y conocirnan pa un Santo Sacrificio di misa diahuebs awor 23 di Februari pa 7'or di anochi na misalnmaculada Concepcion na Santa Cruz, pa recorda e prome aniversario di fayecimento di nos, casa, mama, wela y bisawela stima, sra. Margo Penja.

TARIFA ECONOMICO PA ANUNCIO DI MORTO:



Solo di Pueblo ta brinda un tarifa economico pa anuncio di fayecimento cual ta

consisti di:

- 3 invitacion completo pa entierro, - Invitacion pa resamento y misa y Gradicimento

Un pakete special di Afl. 200.00 pa entierro*

(* E prijs ta pa entierro y no pa dia)

Solo di Pueblo ta traha cu tur funeraria. Por pidi e anuncio via e funeraria

of por haci'e directamente na nos oficina na Sta. Cruz 110

Contact: e-mail: solodipueblo@gmail.com Tel: 585-9500



the Olive tree
funeral home

Biba cada momento

“Señor ta mi wardador, mi n'tin falta di nada. Den cunucu di yerba berde E ta pone mi sosega. E ta hiba mi na awa frankil pa mi bolbe haya forza”

Ps. 23:1,2,3

Cu inmenso tristeza na nos curazon, nos ta participa fayecimento di:

Francisca Ras

26 Februari 1941 – 22 Februari 2012

Acto di entierro lo wordo anuncia despues.



Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



the Olive tree
funeral home

Biba cada momento

Gradicimento/Invitation

Pa medio di esaki nos ta gradici tur famia, bisiña, amigo y tur esnan, cu ta mucho hopi pa menciona cu a duna nos sosten durante e fayecimento y entierro di nos defunto stima.

Minerva Mercedes Dinzey-Maduro

Mihor conoci como: “Melda”



Alavez nos ta haci un invitacion pa 2 Santo Sacrificio di Misa cu lo tuma lugar e siguiente dianan: diahuebs 23 y diabierna 24 di Februari 2012 pa 6:30 di atardi na misa Santa Theresita.

Na number di Ralph Dinzey, yiunan y demas famia.

Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



Gradicimento / Invitacion

Pa medio di esaki nos ta agradeci tur famia bisiña, amiga y conocirnan cu di un of otra forma cu tabata cu nos na ora di fayecimento y entierro di nos mama, wela, ruman y esposa stima:



**Gladys Maria "Ge"
Croes-Henriquez**

Gradicimento tambe ta bay specialmente pa Edmond Harms Foundation.

Un danki tambe na personal di Dr. H.O. Hospitaal 4 piso y muy especialmente na su bon amiga Celli, Bianca y demas amiganan di Oncologie Afdeling.

Un danki tambe na Aurora Funeral Home.

Na mesun momento nos ta invita tur famia, rumannan, swanan, bisiña y conocirnan pa tres (3) Santo sacrificio di misa, riba

Diahuebs 23 di Februari 2012

Diabierna 24 di Februari 2012

Tur pa 7'or di anochi na Misa Inmaculada Concepcion na Sta. Cruz despues di ultimo misa diabierna nos tin un Santo Rosario na misa.

Boso presencia ta di suma importancia y ta altamente aprecia.

Di antemano hopi danki, na nomber di su yiunan, nieto, esposo, rumannan, swanan y demas famia.



Biba cada momento

Gradicimento/ Invitacion:

Pa medio di esaki nos ta gradici tur esnan cu a duna nan sosten y cu a compaña nos durante enfermedad, fayecimento y entierro di:

Angelica Maduro-Irausquin

Na Dr. Darjanani, Dr. Wassenaar, Dr. Van Striem. Un danki di curazon pa Dr. Luchmun pa tur locual bo a haci p'e.

Bo tabata t'ey semper den momentonan mas dificil di su vida. Na Edmund Harms Foundation; na e verpleegsternan Debby, Arelys, Netty, Marietje y Wit Gele Kruis; Personal di IMSAN semper atento. Na Olive Tree Funeral Home; nos

ta gradici boso pa tur atencion. Na tur esnan cu a compaña

nos, cu a manda Krans, kaarchi, telegram, email y tambe yamadanan. Danki di curazon pa boso sosten durante y na e momentonan mas dificil pa nos, nos ta keda eternamente gradici.

Alavez nos ta haci un invitacion pa 3 Santo Sacrificio di Misa pa descanso di alma di nos defunta stima, cual lo tuma lugar: diabierna

Februari 24 y diadomingo Februari 26. Tur tres misa lo ta 6:30 atardi na misa Santa Teresita na San Nicolas. Na nomber di Simplicio Maduro, yiunan, nietonan, rumannan y demas famia.



Bernhardstraat 134-136 - San Nicolas Tel 584 8888
theolivetreefuneralhome@gmail.com
www.theolivetreefuneralhome.com



Mementomori Funeral Home

"Grandi Bo ta Señor, mi alma ta alabo Bo"

Despues di un lucha hopi largo y fuerte, a bay sosega den braza di Señor, nos mama, wela, bisawela y tatarawela: stima:



Sra. Josepha Benschop-Driels

cariñosamente yama: "Mai of Grandmachi"

Viuda di Cornelis Alexander Benschop

* 27 Februari 1915 - + 22 Februari 2012

Dia di entierro y lugar lo wordo anuncia despues.

TREMENDO FIESTA DI CARNAVAL NA CLUB KIBRAHACHA 60+



agradabel. Masha hopi famia a bini pa apoya nan Reina, y tabata tin un animacion total. E aña aki tabata hopi dificil pa e huradonan eligi e Reina di Club Kibrahacha. Nos ta felicita e Reina di Club Kibrahacha cu a sali SilmaBoekhoudt. Reina runner-up ta Laura Santine. Prins Jossy Erasmus y Pancho Max Ridderstap. Un gradicimento ta bay

pa tur e voluntarionan cu a traha duro pa haci e evento aki posibel. Reina di nos voluntarionanta Eveline Ras. Un gradicimento ta bay pa Super Food cu a sponsor tur nos miembronan cu un T-shirt di canaval y snacks. Si bo tin 60 aña y kier keda den bon condicion, bin forma parti di Club Kibrahacha!!



STA. CRUZ -- Club Kibrahacha 60+ a celebra carnaval riba diabierna 17 di Februari. E ambiente tabata hopi bon mes. Tur e 5 Reinanan: Laura Santine, Elvia Tromp, Alice Orman, Andrea Kock y Silma Boekhoudt cu a participa a duna un tremendo presentacion di baile y un show



VIVA NAILS
Spa & Salon Products
Avenida Milo Croes nr 10, Oranjestad, Aruba

Vivanails is a specialized salon. We offer the best salon and spa products. We also have spa treatments available for your personal care.

Swedish & Facial	Awg 135	Basic Pedicure	Awg 35
Manicure & Pedicure	Awg 50	Basic Manicure	Awg 25
Eyebrow Waxing	Awg 07	Foot Reflexology	Awg 75
Aroma Stone Therapy	Awg 105	Paraffin Foot	Awg 50
Gel Nails	Awg 60	Kids Mani & Pedi	Awg 35

Promotions

Callos Remover / Removedor de callo
Orange massage oil / Aceite naranja
Gel Reductor diferente aroma
Nail Care Elements

CALL US
588-2444
560-8494

Come and Visit Us !!!